



Broj: 09-20-11-2-2448
Sarajevo, 25.10.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U
o poništavanju postupka javne nabavke
Nabavka birotehničke opreme-ostale kancelarijske mašine

I

Poništava se postupak javne nabavke „Nabavka birotehničke opreme-ostale kancelarijske mašine“, a u skladu sa odredbom člana 69. stav (2) tačka d) Zakona o javnim nabavkama, iz razloga što niti jedna zaprimljena ponuda nije formalno pravno ispravna.

II

Za izvršenje Odluke zadužuje se Sektor za materijalno-finansijske poslove.

III

Ova Odluka objaviti će se na internet stranici Federalne uprave policije.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka birotehničke opreme-ostale kancelarijske mašine“, broj Obavještenja o javnoj nabavci: 1412-7-1-235-3-125/22 godine od 11.10.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 25.658,12 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01.2022. godine.

U postupku je utvrđeno da je Komisija u svemu pravilno postupila, te da je preporuka o poništavanju postupka predmetne nabavke, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno slijedeće:

- da je zaprimljena 1 (jedna) ponuda, koja je ujedno i blagovremena, i to ponuđača: „C-Servis“ d.o.o. Sarajevo,
- da nije bilo neblagovremeno zaprimljenih ponuda;
- da je Komisija konstatovala da je procijenjena vrijednost nabavke 25.658,12 KM bez PDV-a, dok je cijena zaprimljene ponude 52.074,00 KM bez PDV-a, što je znatno iznad procijenjene vrijednosti nabavke (kao i vrijedonosni razred konkurentskog postupka koji po ZJN BiH iznosi za postupak roba i usluga do 50.000,00 KM bez PDV-a), a kako je zaprimljena ponuda samo jednog ponuđača jasno je da neće doći do održavanja e-aukcije gdje bi eventualno došlo da smanjenja cijene ponude, čime dostavljena ponuda nije prihvatljiva, nakon čega je Komisija dala preporuku o poništavanju postupka.

Iz navedenih razloga, a primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

ZAMJENIK DIREKTORA
Generalni inspektor policije

Ensad Korman



Dostaviti:

- Sektor za mat. fin. poslove
- ponuđačima
- u spis